



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Personij extrema. n. 27.

urn:nbn:de:hbz:466:1-38320

rerum nauticarum nauiumque præparatio aduersus classem quæ in Hispanijs instruebatur, & difficillima prorsus nauigatio; nactus tamen Deo duce oportunitatem transmisit Diepam; Diepâ Rhemos tenuit; Rhemis Vallisole- tum profectus, iter militibus infestum superauit eo euentu qui libro quinto narratur, & post studia in Societatem est adscriptus anno sæculi nonagesimo tertio, ætatis trigésimo quarto. Tum Romam vocatus multum virtute & prudentia contulit ad adolescentum in Seminario animos Societati conciliandos; pluresque inter illos eo tempore eximij id institutû amplexi sunt. Româ rursus in Hispanias nauigauit, & anno sexcentesimo secundo quatuor votorum Professus hæsit Vallisoleti eo in conuictu non minori cum fructu quàm Romæ; & primus cogitationes Donnæ *Aloysia de Carauajal* inflexit ad huius insulæ commiserationem cum ei esset à confessionibus; & quamuis in eam sententiam non veniret vt illa se transferret in Angliam, propter varias quæ illi deinde accidere molestias, plurium tamen doctorum sanctorumque inter Hispanos virorum vltimo consilio tran nauigauit, prævertitque *Blacfanum*, qui mores & linguam Hispano similes cum difficulter exueret, non semel inter suos in discrimen venit, & anno sæculi decimo captus in portam West-Monasteriensem coniectus est. *Non est inter improbos tuta à calumnia quantalibet sincerissima integritas.* Hunc virum innocentissimum aspergere conati sunt (auctore, vt aiunt, Pseudo Cantuariensi Abbotio) grauissimo scelere; subornato qui diceret audiuisse Antuerpiæ *Blacfanum* aurifici cuidam promississe octo aureorû nummum millia, si reperiret hominem qui Iacobum Regè è medio tolleret. Malitiam fictæ fabulæ oppressit diligentia *Blacfanni*, scriptis Bruxellas ad *Antonium Hoskinum* literis; qui confestim ad aurificem profectus, corâ Magistratu interrogati, & negantis testimonium publico ciuitatis signo curauit muniri, vt in promptu esset ad fidem mendaciò detrahendam. Tredecim menses tenuit custodia; tum actus in exilium, succcessit post *Perceyem* in munus Vice-Prefecti Bruxellis, continuauitq; ad annos fere tres; rursus dein de in Hispanias semigrat Vallisoleto Seminario Rector demortuo *Guilielmo Westono*. & post annos expleti officij, Madritum ad illius Vice-Prefecturæ curas: Demum in Angliam redux vtilem operam posuit ad grauem vsque senectam; in quâ cum haberet in animo relicta Insulâ ætatem reliquam cum effato corpore deponere Watenis, obtinuit letque Prouincialis assensum; Confectis vix quatuor milliaribus decidens ex equo reductus est domum. Isthic cum rem Deo commendasset, matutino tempore expergesto hæc verba Hispanica se obtulerunt ori; *Hermano Morad alla*, (quo nomine Madriti ante annos triginta sex cognouerat Coadiutorem quendam Societatis vulgò appellari) quorum verborum significatio cum esset *Frater, mane ibi*; tanquam sibi dicta interpretans (quemadmodum olim magnus *Gregorius* locustam in librum quem legebat insipientem, *quasi loco sta*) eadem in sede quam pluribus annis tenuerat propè octogenarius defunctus est.

VXVII. Quæ verò omnia primis à coniuratione annis pluribus ex nostro

Ccc

ordine

Personij
extrema.

1610.
Eius varia
itineræ et
fructus cõ-
secutus.

Capitur
et calum-
niam præ-
uertit.

Exulat.

Redux in
Angliam
moritur.

1610. ordino accidere incommoda nihil attinet recensere, cum apud se quisque expendere possit quanta ubique esset trepidatio, quam importuna in Catholicorum ædes dies noctesque inquisitio, quam nihil à suspitione odioque tutum, ut vel mutandis quotidie sedibus modò agros, modò publica hospitia, modò pauperum casas inuestigare necesse fuerit, vel multo tempore domesticis concludi latibulis. Vidimus in *Balduino*, *Gerardo* & alijs, in Belgium vsque pertinuisse calumniã, penetrasse Romam ad *Personium*; de quo amandando *Clemens* Pontifex pridem egerat cum *Claudio* Generale; sed is præuertens mandatum, per valetudinis speciem profectus est Neapolim, non nisi mortuo *Clemente* reuersurus. Reliquos annos scribendis libris insumpsit; prodieruntque in lucem varij ad hæc tempora aptati, ut quæstiones duæ de sacris alienis non aduendis, eodem fere argumento quo ante annos plus viginti scripserat Anglicè Epistolam Consolatoriam: De æquiocatione etiam, & de mitigatione legum in Catholicos, & aduersus Odoardum Coquam, Barloum, & alios; quibus ut fidei dogmatis stabilendis, heterodoxis confutandis incubuit, ita de uexæ ætatis annos breuiores fecit quam optari potuisset; Anni sexcentissimi decimi mediam quadragesimam decucurrerat seuro ieiunio, cum vehemens eum æstus inuasit; paucis diebus ad extrema delatus, Passionis Christi pia & frequenti recordatione agritudinem solabatur. *Paulus* Pontifex ubi intellexit confestim ei indulsit omnia quæ in mortis confinio Cardinalibus indulgeri solent: *Claudius* Generalis, & qui in patribus erant Romæ præcipui, frequentes adierant: Ipse quattiduo antequam de vita discederet ternas dictauit: Ad *Blasium* Audomarensem Antistitem vnas, gratiarum plenas; ad nostros in Anglia alteras hortatorias; tertias ad *Birketum* qui in locum defuncti *Blackwelli* Archipresbyteri successerat. Ad nostros in hanc sententiam. "Reuerendi & Charissimi Patres mei & Fratres quos placuit Deo vocare & vnire in hac Missione Societatis nostræ ad conuersionem & solatium miseræ Angliæ Patriæ nostræ, & in quos visum est admodum Reuerendo Patri nostro Generali à tot iam annis committere mihi Præfecturam; nunc quando iuxta Diuinum beneplacitum depositurus sum hoc onus, uti spero, cum mortali hac vita, non potui non scripto hoc vobis omnibus vale dicere, & primò, me ipsum animæque meæ requiem Deo in vestris precibus cõmendate; Tum inter vos signum illud vnicum verorum discipulorum & sequacium Christi Domini, *diligite inuicem*; quod inuiolatum à vobis teneri opto, iuxta spiritum Societatis nostræ, hoc est, ut vnusquisque se inferiorem cæteris existimet, alios sibi præferat ex animo semper, cum quo quantum fieri potest actiones externæ consentiant; omnia ad honorem & gloriam Dei & vestrum solatium; ita enim facientes, omnes, uti confido in Domino, consummabitis felicissimè cursum vestrum in obsequio Dei in hoc sæculo, & in futuro per merita Passionis Christi occurremus inuicem in gloriosa & semper duratura resurrectione: Datum à decumbente Romæ in Collegio Anglicano, hoc peruigilio Dominicæ resurrectionis, Anni millesimi sexcentissimi decimi. Vester totus & semper, *Marcus.*) Archipresbyterum his salutauit. Reuerendissime

Eius morientis literæ ad nostros in Anglia.